

CEG SOAMANANDRARINY

Miroso amin'ny fanatsarana sy fanavaozana

Ny taona 2006 no niorina ny CEG Soamanandrarin'ny. Ankehitriny, mananika ny 834 ireo mpianatra manovo fahalalana ombampahendrena eny an-toerana. Rakotondratsimba Fenomanana Tsilavina Luc, no Tale mitantana azy ankehitriny. Ity farany izay azo ambara fa tsy atoro voanjo hadiana amin'ny tontolon'ny fampianarana noho ireo traikefa sy haizatra matevina miampy ireo marim-pahaizana ananany eo amin'ny sehatry ny fanabeazana amin'ny ankapobeny. Ankoatry ny fanatsarana ny foto-drafitrasa hita maso toy ny fanavaozana ny tranom-boky sy ny loha fandrakofana vatokely tsy ho ela ny tokontanin-tsekoly ary ny fananganana efitrano voatokana ho an'ireo mpampianatra sy

ny firosiana amin'ny fananganana ny tranom-boky numerika dia tsy natao ho ambanin-javatra ihany koa fa nitondrana fanavaozana sy fanatsarana ny lafiny fomba fiasa (Fitantanan-draharaha sy ny fampianarana) eo anivon'ny CEG Soamanandrarin'ny. Anisan'izany ny fanamafisana ny fitsipi-pifehezana eo amin'ny samy mpiara-miasa sy ireo mpianatra eo anivon'ny CEG Soamanandrarin'ny, hoy ny Tale Ramose Tsila. Nisy, araka izany, ny fanomezana fiofanana ireo mpanabe. Anisan'ny fanamby goavam-be napetraka ihany koa ny fanatsarana ny kalitaon'ny tolotra arapadagojika omena ireo mpianatra eny an-toerana. Miara-dalana amin'izany ihany koa ny fampiakarana ny lentan'ny fahai-zan'ireo mpianatra izay



Ramose Tsila, Talen'ny CEG Soamanandrarin'ny.

tsikaritra fa somary ambany ihany izany amin'ny ankapobeny. Misy, araka izany, ny fanolorana fampianarana fanampiny maimampoana ho an'ireo mpianatra. Miara-misalahy mandrakariva amin'ireo Ray aman-dRenin'ny mpianatra ny sekoly ho amin'ny fanatanterahana ireo rehetra ireo, hoy hatrany Rakotondratsimba

Fenomanana Tsilavina Luc amin'ny alalan'ny fanatanterahana fivoriambe eo amin'ny roa tonta. Ankoatra ireo, manana fiaraha-miasa matotra amin'ny Lisea Frantsay ho amin'ny fanatsarana ny fanabeazana amin'ny ankapobeny sy ny sehatry ny fampianarana teny vahiny ihany koa ny CEG Soamanandrarin'ny. Tsy nohadinoin'ireo mpitantana ny sekoly ny lafiny fibeazana ara-batana amin'ny alalan'ny fanatanterahana ireo lalao ara-panatanjahatena andraisany ireo mpampianatra, mpianatra ary sekoly ivelany anjara. Tanjona ny hanamafisana mandrakariva ny firaisankina sy hisian'ny fifanakalozana ho amin'ny fikatsahana hatrany ny tombontsoa iombonana.

Lalaso Razafindrakoto

Mpanakanto « Mômô Modakely »

Mivoy ny « Kilalaky nohavaozina »

Randrianantenaina Modakely, « Mômô Modakely ». Iray amin'ireo mpanakanto tinaizan'i Bivy sy Alain Boutr. Izy mirahalaha ireto izay samy efa lasa nodimandry ary azo ambara fa andrarezina teo amin'ny fikarakirana ny mozika. Nanovo fahalalana manodidina ny Kilalaky teo ambanany saon'ny Tsiliva ihany koa ny tovolahy. Fianakaviana mpanao mozika rahateo no nipoirany. Miezaka mikaroka ny fomba entina manatsara hatrany ny Kilalaky ity mpanakanto vao erotrony ity. Ketraka vao vitany tsy ela ny fampiarahana ny kilalaky amin'ny tsapiky sy ny Jihe. Ankoatry ny talenta ananan'i Mômô Modakely eo amin'ny famoronana hira dia mitendry zavamananao toy ny vatamaroafitsoka, aponga maroanaka ary gitara ny tovolahy. Nilona ela tao anatin'ny fanafanana lanonana ihany koa inty mpanakanto Zanaky Menabe inty. Ireo fiainana andavanandro eny anivom-piaraha-monina no entiko mamokatra ireo tononkirako, hoy izy ary eza-hana mandrakariva mba hirakitra hafatra mafonja sy saha ny isam-batan'olona izy ireny.



Mômô Modakely, Zanaka Pastora ny tovolahy.

Mampivava an'i Mômô Modakely ihany koa ny fisian'ny fanehoana anatin'ny tantara fohy an-tsehatra ny tononkira sy ny talenta ananany eo amin'ny lafiny dihy. Ampirany amin'ireo vazo efa nahafantarana azy ny « Ex bonbon » sy ny « Mihetsiketsika ». Andalana ho amin'ny fanaparitahana sy fampahafantarana ireo sanganasany sy ny fikarohana vitany manodidina ny kilalaky ankehitriny i Mômô Modakely. Vonona hiarahiasa malalaka amin'ireo tsara sitra-po rehetra ho amin'ny fanandratana avo ny kilalaky ny tovolahy.

Lalaso Razafindrakoto

Dr Rakotondranaivo Jean Pierre

Manasitrana ireo karazana aretina samihafa ny Tasa Madagasikara

Maro ireo olona mitaraina, fa marary aty sy voa, noho ny fihinanana fanafody tsy azo antoka ary manimba ny taovan'olombelona ny ankamaroan'izy ireny. Ny Dr Rakotondranaivo Jean Pierre, izay mpiandraikitra ny fitsaboana nentim-paharazana Tasa Madagasikara dia mandray antanana sy mitsabo an'ireo endrik'aretina rehetra, satria nianatra sy nandalina ny fampiasana an'ireo vokatra zavamaniry manasitrana ny aty sy ny voa ary ny aretina hafa ireto farany ary manome fiofanana an'ireo mpiasa, mba hahafehy ny fitsaboana izay atao. Nanohy fanazavavana ny Dr Rakotondranaivo Jean Pierre, fa afaka mampatanjaka ny



Ny tompon'andraikitra voalohan'ny Tasa Madagasikara.

fikoriantan'ny ra sy ny vadin-taolana amin'ny alalan'ny fampianarana ny olona amin'ny fihinanana sakafo sy ny fahaizamiaina ny Tasa Madagasikara, ka tokony hanana faharetana amin'ny fanarahana an'ireo toromarika omen'ny mpitsabo ny

olona marary iray, satria "Traitement" no ataon'ny mpitsabo nentim-paharazana fa tsy "Calmant" akory. Nanamafy ny Dr Rakotondranaivo Jean Pierre, fa afaka manao dokambarotra ny tenany amin'ny mpitsabo ity farany, fa tsy manao dokambarotra ny fanafody vokarin'ny Tasa Madagasikara ary mba hisakanana an'ireo fanafody izay manimba ny taovan'olombelona dia tsy azo atao ny fanavavana dokambarotra ny vokatra fanafody nentim-paharazana araka ny lalana momba ny fifehezana ny asa fitsaboana nentim-paharazana, izay manan-kery eto Madagasikara. Nanamafy izy, fa manana taratasy ara-dalana ho mpikambana ao

amin'ny DPLMT "Rassemblement de tradirapicien" ny mpitsabo nentim-paharazana Tasa Madagasikara ary voasokajy ho mpitsabo mpanampy "Complement alimentaire", izay nahavita fandalinana momba ny fitsaboana nentim-paharazana hanatsarana ny fahasalamam-bahoaka. Manome antoka ny olona amin'ny fitsaboana ny aretina maro samihafa ny Tasa Madagasikara tarihan'ny Dr Rakotondranaivo Jean Pierre, ka tsy tokony hanana fiarahiana amin'ny fahavoazan'ny taova amin'ny fitsaboana izay atao azy ny olona marary iray raha manatona ny Tasa Madagasikara.

Franck Razakambelo

Rugby Andohatapenaka

Nifandimby hatrany ny rugby vehivavy sy Top 20

Nifandimby hatrany tamin'ny sabotsy 15 sy tamin'ny alahady 16 aprily 2023 ny fanatrehana ny mpankafy an'ity taranja ity ny rugby vehivavy sy ny fifaninanana Top 20 ten y amin'ny kianja Makis Andohatapenaka. Ireo vokatra azo : 2è Division vehivavy : Asut Université d'Antananarivo (55) - (00) XV Red Tanjombato, Uasc Cheminot (37) - (08) Rosa Club Antohomadinika. 1ère Division vehivavy : Ftm Manjakaray (19) - (27) Rcts Soavimasoandro, Scb Besarety (11) - (11) 3Fb Fahasalamana. XXL Energy Top 20 : Tfma Ankasina (64) - (17) Fbm Bemasoandro, 3Fb Fahasalamana (51) - (18) XV Avenir, Stm Savonnerie (36) - (33) Ftba Andohatapenaka, Tfa Anatihazo (23) - (16) XV Fa Ampasika.

Rainilita

Tournoi de Pâques National 2023

Nisy indro kely fa vonona amin'ny fanarenana ny 3Fa

Tontosa an-tsakany sy an-davany tamin'ny sabotsy 15 aprily 2023 lasa teo ireo famaranana ny tournoi de Pâques National 2023, nokarakarin'ny club 3fa Avaradrano, rehefa notanterahina nandritra ny 06 andro teo amin'ny kianjan'ny Fifankatiavana Ankadikely ka natrehan-dRtoa solotenan'ny Délégué Minisiteran'ny Tanora sy ny Fanatanjahantena sy Atoa Lefitra faharoa ny Ben'ny Tanana Ankadikely. Nisy indro kely ny fikarakarana an'ity hetsika ity araka ny fanamarihana nataon'ireo mpandray anjara izay mbola nahitana ny fidonginzinanany delegasion'i Boeny hatramin'ny omaly alatsinainy 17 aprily tsy nety nody na dia efa tamin'io sabotsy io aza no nifarana ny fifaninanana. Vonona ny hanarina an'izany lesoka izany anefa ny 3Fa amin'ny andiany manaraka Resaka saran-dalana fiveverena any aminy no olana nahazo ny delegasion'i Boeny ka nitalahoany tany amin'ny fokontany mihitsy. Anjaran'ny delegasiona tsirairay anefa ny manefa an'izany sara-dalana izany sy ny fisakakafoana taty amin'ny fifaninanana fa ny trano nivantanana ihany no nokarakarin'ny mpikarakara. Voalaza anefa fa tsy ni-

tandra na dia vilany iray handrahoan-kanina azy ny delegasion'i Boeny. Marihana fa ekipa nahatratra 30 avy amin'ny Faritra 6 eto Madagasikara no nandray anjara tamin'ity fifaninanana ity. Tao amin'ny CEG Ankadikely sy ny Commune Ankadikely izay mpiara-miasa amin'ny club 3fa Avaradrano voalohany no nampiantrano an'ireo mpifaninana rehetra tamin'ity hetsika ity. Amin'ny tapaky ny volana Aogositra 2023 indray moa ny fotoana amintsika rehetra hiatrika ny fifaninanana andiany faha -12 karakarain'ny A.S.S.C.B na ny Dandjy-3fa. Voka-dalao famaranana rehetra : Sokajy 08 taona : Afc Ankadikely - 3fa Avaradrano (01-00), Sokajy 10 taona : Espoir Mada Itaosy - Varatra Androhibe (01-00), Sokajy 12 taona : Varatra Androhibe - Asm Mampikony Sofia (03-02 tirs au but), Sokajy 14 taona : As Tam Sakay - Jet akademie samy Bongolava (03-01), Sokajy 16 taona : Tfc Sab/Nam - Afc Ankadikely (05-04 tirs au but), Sokajy vehivavy : Ac Sab/Nam - Ufa Sab/nam (02-00), Sokajy 18 taona : Avenir Betsiboka vs Jet académie Bongolava (01-00).

Rainilita

Orange Pro-League 2022-2023

Tontosa tamin'ny faran'ny herinandro ny andro faha-14

Tontosa tamin'ny faran'ny herinandro ireo lalao niisa 7 tafiditra amin'ny andro faha-14 amin'ny fifaninanana baolina kitra « Orange Pro-League 2022-2023 ». Voka-dalao andro faha-14 : Fosa Juniors Fc (7) - (0) Tia Kitra Fc, Asa Diana (0) - (0) Cosfa, Uscafoot (0) - (0) As Fanalamanga, Dato Fc (1) - (6) Disciples Fc, Cffa (3) - (0) Jet Kintana, Elgeco Plus (2) - (1) 3Fb Toliara, Zanakala Fc (3) - (2) Mama Fc. Hatao amin'ny andro manaraka kosa ny lalao ny Tffc sy ny Ajesaia. Taorian'ny fahatontosan'ny andro faha-14 tamin'ny faran'ny herinandro teo (asabotsy 15 sy alahady 16 aprily 2023) dia mbola ny ekipan'ny Fosa Juniors Fc "Conférence Nord" manana isa 31 sy ny Cffa "Conférence Sud" manana isa 28 no mitrika an'isa vonjimaika amin'ny fifaninanana Manaraka azy ireo eo amin'ny laharana faha-2 sy faha-3 avy ny Cosfa (isa 25) sy ny Elgeco Plus (isa 25) ary ny As Fanalamanga (isa 21) sy ny Mama Fc (isa 20).

Rainilita